

SCRIPT OF EVENING GOJRI NEWS BULLETIN 1MAR 2025

1700HRS

اوننگ گوجری نیوز بولٹین 1 مارچ 2025

یوہ آکاشوانی جموں بے محمد سفیر تے نصرت تیں خبر سَنو۔

HEADLINES

۱۔ وزیر اعظم نریندر مودی نے اظہار کیو بے جے بھارت انفرادی طاقت تیں عالمی طاقت مانہ تبدیل ہو غے دنیا گو اک نوو مرکز بن رہیو بے۔

۲۔ وزیر اعلیٰ عمر عبداللہ نے ۳ مارچ نانہ شروع ہون آلا بجٹ اجلاس تیں پہلا لیفٹینٹ گورنر منوج سنہا سنگ ملاقات کی تے این سی تے کانگریس پلک قانون ساز پارٹی بکھ بکھ میٹنگ کرریں گی۔

۳۔ وزیر اعلیٰ عمر عبداللہ نے اظہار کیو بے جے عوامی خدمات نانہ یقینی بنانو حکومت گی اولین ترجیح بے۔

۴۔ جموں شرینگر قومی شاہراہ ور دوطرفہ لوہکی گڈیاں گی آؤ جائی نانہ بحال کردتو گیو بے۔

PM NXT CONCLAVE

وزیر اعظم نریندر مودی نے کہیو دنیا ۱۲ ویں صدی غا بھارت غی طرف دلچسپی دیکھا رہی بے۔ انہاں نے اچ نوی دہلی غا بھارت منڈیم مانہ منعقد این ایکس ٹی کن کلیو ۲۰۲۵ تیں خطاب کرتا وان کہیو کہ بھارت ایک ایسو ملک بے جت مثبت خبریں خود بنیں نہ کی پیدا کی جیں تے ات روزانہ ترقی غی نوی راہ خُل رہی ہیں۔ وزیر اعظم نے حال ہی مانہ اختتام پزیر ہون آلا مہاکنہ گو زکر کرتا وان کہیو کہ یوہ دنیا واسطے ضیران کُن تھو کہ لکھاں افراد نے گنگا دریا غے کنارے مقدس غسل کیو۔ انہاں نے اپنا نظریہ ووکل فار لوکل تے لوکل فار گلوبل ور گل کرتا وان کہیو کہ یوہ خواب حقیقت مانہ بدل رہیو بے تے بھارت جدید ایجاد غی سرزمین بنتو جاریو بے۔ انہاں نے مزید اس طرح کہیو۔ اس موقع ور وزیر اعظم نے نیوز ایکس ورلڈ چینل گو وی افتتاح کیو۔

PM AGRICULTURE

وزیر اعظم نریندر مودی غو کہنو بے جے اس سال غا بجت گو مقصد زراعت گا نانہ مزید فروغ دینو بے۔ اس گل گو اظہار بجٹ تیں بعد زراعت تے دیہی ترقی بارے ویبنار مانہ کر رہیا تھا۔ انہاں نے کہیو بھارت گو ترقی یافتہ ملک بنن گو نظریو بالکل صاف بے تے ہم رل مل غے کام کر رہیا ہیں۔ تانجے بھارت گا کساناں نانہ خوشحال تے باختیار بنایو جئے۔ اس بارے بولتا وان انہاں نے اس طرح کہیو۔

LG ADDRESS

وزیر اعلیٰ عمر عبداللہ نے اچ لیفٹینٹ گورنر منوج سنہا تیں ملاقات کی تے جموں کشمیر غی قانون ساز اسمبلی گو آئیندہ بجٹ اجلاس تیں متعلق مختلف امور ور تبدالہ خیال کیو۔ ۲۰۲۵ غو بجٹ اجلاس گو آگاز ۳ مارچ تیں وے غو۔ جموں کشمیر غا لیفٹینٹ گورنر منوج سنہا سوموار ۳ مارچ نانہ سویرے ۰۱ بجے جموں مانہ قانون ساز اسمبلی غا اراکین تیں خطاب کریں گا۔ یاہ ایک رسمی تقریب وے غی جت تمام اراکین نانہ ہدایت دتی گئی بے کہ گورنر غی آمد

تیں ۵ منٹ پہلاں اپنی نشستیں ور بیس جیں تمام اراکین تیں گزارش کی گئی ہے کہ مکمل نظم و ضبط غے نال خطاب سنیں اجلاس قومی ترانو تیں شروع تے اختتام پزیر وے گو۔ متعلقہ حکام بشمول وزیر اعلیٰ سپیکر تے مختلف انتظامی محکماں نانہہ تقریب تیں آگاہ کردتو گیو ہے۔

NC MEETING

بجٹ اجلاس غا آغاز تیں پہلاں حکمران جماعت نیشنل کانفرنس نے پلک ایک اہم قانون ساز پارٹی اجلاس طلب کی ہے۔ چیف ویپ مبارک گل نے تصدیق کیو ہے اجلاس وزیر اعلیٰ عمر عبداللہ غی صدارت مانہہ کل دنے ۲ بجے وزیر اعلیٰ غی سرکاری رہائش گاہ ور وے غو۔ اجلاس مانہہ بجٹ سمیت دیگر اہم قانون سازی غا معاملات ور گل بات وے غی دوسری جانب کانگریس پارٹی نے وی کل جموں مانہہ اپنی قانون ساز پارٹی تیں اجلاس طلب کیو ہے پارٹی غا چیف ویپ تے اسمبلی غا رکنان نانہہ اتار آلے روز پارٹی غا صدر دفتر مانہہ اجلاس مانہہ شرکت غی دعوت دتی ہے۔ تاہم کانگریس نے کہیو کہ انہاں نانہہ نیشنل کانفرنس غی جانب تیں کسی مشترکہ اجلاس غی باضابطہ اطلاع نی دتی گئی۔

CM RAMZAN

وزیر اعلیٰ عمر عبداللہ نے سرینگر مانہہ اک میٹنگ گے دوران رمضان واسطے کیا گیا انتظامات گو جائیزو لیو۔ اس موع ور انہاں نے کہیو جے عوامی خدمات نانہہ برقرار رکھنو سرکار کی پہلی ترجیح ہے وزیر اعلیٰ نے تمام متعلقہ محکمہ نانہہ ہدایت دتی جے وے تمام تر خدمات عوام تک پہچان مانہہ آپسی تال میل بنا گے رکھیں انہاں نے بجلی کی بحالی ٹریفک کا انتظامات تے دیگر ضروری اشیاء کی دستیابی تے قیمتاں ور نظر رکھن کی وی تاکید کی۔

KOHLI GREETS

سنٹر بی جے پی لیڈر تے سابقہ کابینہ وزیر عبدالغنی کوبلی جہیرا جموں کشمیر سیرت النبی کانفرنس کا چنیر مین وی ہیں انہاں نے جموں کشمیر غی عوام نانہہ ماہ رمجان کا مقدس مہینہ گی شروعات ور مبارک باد پیس کی ہے تے اس با برکت تے مقدس مہینہ گی آمد ور لوکاں ناں گزارش کی ہے جے وے جموں کشمیر سمیت پورا ملک گی ترقی سلامتی تے امن واسطے دعا گو رہیں تے انہاں نے کہیو اوں حکومت تیں اپیل کروں کہ عوام نانہہ پانی تے بجلی غی کمی غی وجہ تیں کسی وی تکلیف غو سامنو نہ کرنو پے۔

DC DODA RAMSAN

ضلع ڈوڈھ مانہہ محکمہ خوارق میونسپل کونسل دوڈھ تے پولیس گی اک مشترکہ ٹیم نے بازار گو دورو کرغے ضروری چیزاں گی قیمتاں گو جائیزو لیویاد رہ جے پلک یعنی ۲ مارچ تیں ماہ رمضان گو آگاز ہو رہیو ہے تے اس سلسلہ مانہہ متعلقہ افسر چیزاں گی قیمت مانہہ باندو کرن غے خلاف کاروائی کر رہیا ہیں۔ ڈاکتداراں انہہ ہدایت دتی گئی ہے جے وے قیمتاں گی فہرست کول رکھیں تے قیمتاں مانہہ ناجائز اضافہ تیں گریز کریں اس بارے ڈی سی ڈوڈھ برویندر سنگھ نے یقین دہانی کرائی جے عوامی خدمات نانہہ یقینی بنان واسطے تمام اقدامات کیا جارہیا ہیں۔ اس موقع ور انہاں نے اس طرح کہیو۔

SARS MELA

جموں کشمیر دیہی لاؤلی ہڈ مشن کی طرفوں منعقد سرس اجیو کا میلا گو ا ج کلا کیندر جموں مانہہ اختتام ہو رہیو ہے یاد رہ جے گزشتہ دس تہاڑاں مانہہ اس میلا گے دوران بکھ بکھ ریاستاں تیں کالسریاں گا اپنی مدد آپ گروپاں نے دیہی دستکاری دستی تیار کی گئی کئی چیزاں کی نمائش کی اس غے علاوہ اس موقع ور ثقافتی پروگرام تے برائے راست دستکاری کی نمائش کر غے جموں کشمیر کا روایتی رسم و رواج گو وی مظاہرو کیو گیو۔ یاد رہ جے اس میلا گو افتتاح محکمہ دیہی ترقی کا سیکرٹری محمد اعجاز اسد نے ۰۲ فروری نانہہ کیو تھو تے ا ج کامیابی سنگ ختم ہو رہیو ہے۔ اس موقع ور اس کاروباری خاتون نے اپنو تجربو گج اس طرح دسیو۔

HIGHWAY

جموں سرینگر قومی شاہراہ ور ہلکی گڈی یعنی ایل ایم وی کی آؤ جانی دو طرفہ بحال کردتی ہے ڈرائیوراں نانہہ صلاح ہے جے وے اپنی بی لین مانہہ چلیں تانجے بھیڑ تے ٹریفک جام تیں بچیو جاسکے۔ تے مسافر تہاڑی ہی سفر کریں تے رام بن تے بانہال گے درمیان غیر ضروری طور ور اٹکن تیں گریز کریں۔ واضح رہ جے شاہراہ ور بڑی گدیاں کی آؤ جانی سڑک گو جائیزو لین تیں بعد ہی بحال کی جے گی۔

ANNOUNCEMENT

علاقائی خبراں غا شعبہ آکاشوانی جموں غی طرفوں ضلع کٹھوعہ واسطے عارضی نامہ نگاراں یعنی پی ٹی سی غا پینل غی خاطر درخواست منگی گئی ہیں۔ مجوزہ پرفارمہ ور عارضی نامہ نگار غی پوسٹ مانہہ دلچسپی رکھن آلا ایسا امیدوار درخواست دے سکیں گا جہیڑا ضلع کٹھوعہ گا بسنیک ویں تے اُن غی عمر غی حد 24 براں تیں 50 براں غے بشکا ر وے۔ پی ٹی سی غی اس پوسٹ واسطے تعلیمی قابلیت پی جی ڈپلومہ یا صحافت غا شعبہ مانہہ ڈگری یافر تسلیم شدہ یونیورسٹی تیں گرجویشن غے ہمراہ 2 براں غو صحافت مانہہ تجربو مقرر کیو گیو ہے۔ اس تیں علاوہ کمپیوٹر تے ورڈ پروسیسنگ نالے خبر اکٹھی کرن آلا آلات تے میڈیا کوریج مانہہ تجربو وی ضروری ہے۔ عارضی نامہ نگار غی پوسٹ مانہہ دلچسپی رکھن آلا امیدوار واسطے لازمی ہے جے وہ ضلع صدر دفتر کٹھوعہ مانہہ یا اس تیں 10 کلو میٹر غادائرہ اندر رہائش پزیر وے اس سلسلہ مانہہ درخواست غی ہارڈ کاپی ضروری دستاویزات غے ہمراہ ہیڈ ریجنل نیوز یونٹ آکاشوانی پنچترتھی جموں مانہہ بزات خود آئیندہ 7 مارچ توڑی دینی ویگی۔ اس بارے مزید ور دستیاب ہے۔ www.newsonair.gov.in جانکاری ویب سائٹ
